

近代中國史料叢刊續編第六十三輯  
沈雲龍主編

# 內務府慶典成案

內務府輯

卷二十三禮·工部

文海出版社

有限公司  
印行

內務府奏稿二件

乾隆四十四年五十二年

諭旨二道

乾隆四十五年

高宗純皇帝七旬萬壽慶典奏案

乾隆五十五年

皇帝八旬萬壽慶典奏案



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



總管內務府謹

奏爲遵

旨詳查覆奏事本年九月初十日

臣等面奉

諭旨

聖母皇太后六旬萬壽慶典所有應行典禮及應辦各項事宜  
著內務府將乾隆年間恭辦

皇太后七旬八旬萬壽慶典成案敬謹查出具奏呈覽欽此

遵卽派員將臣衙門舊存乾隆年間檔案敬謹詳查實

因案件繁多又加以年分過久卷冊不齊僅查出乾隆  
二十五年二十六年恭辦

崇慶慈宣康惠敦和裕壽純禧恭懿安祺寧豫皇太后七旬萬

壽慶典 臣 衙門奏案共十九件乾隆三十六年恭辦

崇慶慈宣康惠敦和裕壽純禧恭懿安祺寧豫皇太后八旬萬

壽慶典奏案共十一件 臣 等公同敬謹查看均係恭辦

萬壽典禮事宜謹分繕清單恭呈

御覽謹

奏

總管內務府謹

奏為遵

旨詳查覆奏事前經臣衙門查出乾隆年間恭辦

崇慶慈宣康惠敦和裕壽純禧恭懿安祺寧豫皇太后七旬八  
旬萬壽慶典奏案三十件已分繕清單於本年十月二  
十九日呈

覽在案現在臣衙門續行查出乾隆年間恭辦

高宗純皇帝七旬萬壽奏案七件恭辦

高宗純皇帝八旬萬壽奏案二件並由會典內查出乾隆四十  
四年

諭旨一件五十二年

諭旨一件臣等敬謹查看均係恭辦  
萬壽典禮事宜謹分繕清單恭呈

御覽謹

奏



謹將由會典內查出乾隆四十四年五十二年

諭旨二件繕單呈

覽

乾隆四十四年

諭前因江浙督撫等以兩省臣民望幸奏請巡閱河工海塘已降旨允於庚子春正月諏吉南巡至所稱明歲爲朕七旬萬壽欲就近申祝則斷乎不可業經宣諭飭禁蓋朕本意原以庚子爲朕七旬誕辰辛丑卽爲

聖母九旬萬壽連歲疊逢大慶中外臚歡自可聽其抒誠祝嘏今旣不能遂朕初願朕復何心爲已稱慶惟念士民想望恩澤積有歲年因詔開鄉會恩科並輪免各省漕糧一周以洽

羣愒明年南巡回鑾後俟

北郊禮成卽啟程幸避暑山莊駐蹕八月慶辰一切仍照常年  
例行若在京受賀惟恐轉多棖觸遂至山莊以避之至西藏  
班禪額爾德尼豫請慶祝實屬吉祥盛事是以允其前來卽  
令於山莊瞻謁俾從其便朕並非因其稱祝先期往就之也  
恐內外臣工尙未能深喻朕意仍有以慶典爲請者非惟不  
能博朕之悅適以增朕之懷又豈臣子愛敬之道乎俟朕八  
旬大慶則聽從諸臣稱祝此次必不允行又前屆朕六旬萬  
壽時自古北口熱河兩處曾有點綴段落燈綵之類本屬朕  
所不取明年尤當嚴禁將此通諭知之

乾隆五十二年

諭朕寅紹鴻圖仰承

昊眷臨御五十餘年壽躋上耄五世一堂錫光篤慶介景延禧  
允爲史冊罕觀昇平盛瑞茲王公大臣及直省將軍大吏等  
以乾隆五十五年朕八旬萬壽籲請舉行慶典豫祝蕃釐覽  
奏具見誠悃前此朕七旬慶節內外大臣奏請恭祝萬壽朕  
以徒增糜費未允所請今內而王公大臣外而將軍督撫大  
吏以朕壽屆八旬臣工身際昌期久承渥澤感激歡忭出自  
積誠朕若仍不允准無以申臣下臚歡祝嘏之願轉似近於  
矯情且載稽前史三代以後帝王克享大年莅國最久者不  
過六君其年逾八旬者僅梁武帝宋高宗元世祖三君而其  
在位不過三四年若朕躬膺上壽海宇乂寧親理萬幾孜

我不倦五十餘年如一日者實從古所未有此皆朕仰賴  
上天嘉佑

列祖垂庥用能膺受純熙康彊逢吉允宜光昭盛軌以答

昊貺而洽輿情著照所請於五十五年舉行萬壽典禮所有一

切儀文俱恭照朕前率天下臣民恭祝

聖母皇太后六旬七旬八旬

萬壽慶典之例備辦毋得稍有加增致滋糜費若內外臣工等  
不能仰體朕意惟務踵事增華鋪張過甚轉非至誠愛戴之  
心逮時朕亦必不受也至此次慶節率土歡騰宜特沛殊恩  
以光鉅典所有應行加恩各事宜著內閣及軍機大臣擬開  
條款進呈候朕酌定另降諭旨

謹將乾隆四十二年四十四年四十五年四十六年恭辦

高宗純皇帝七旬萬壽查出奏案七件繕單呈覽

總管內務府大臣臣永瑤等謹

奏恭查乾隆三十五年

皇上萬壽聖節恭造無量壽佛內外王公大臣官員懇請成造  
並

奏派侍郎英廉邁拉遜敬謹成造無量壽佛奏明辦理在  
案今四十五年恭逢

皇上萬壽聖節理合先期敬謹辦理臣等懇請遵照上屆之例

敬謹成造請

旨遵行俟

命下<sub>臣</sub>等將應辦事件物料預行備辦至四十三年敬謹成造  
爲此謹

奏

查乾隆三十五年

皇上萬壽聖節恭造無量壽佛奉

旨派英廉邁拉遜敬謹專辦在案今四十五年恭逢

皇上萬壽聖節昨經金輝傳

旨派<sub>臣</sub>福隆安同金輝專辦<sub>臣</sub>等卽遵

旨照上屆之例敬謹辦理毋庸另請

簡派理合聲明謹

奏

等因於乾隆四十二年六月初十日具奏奉

旨知道了欽此

奴才 福隆安 金輝 謹

奏為請

旨事恭照乾隆四十五年

萬壽聖節內外臣工懇請誠造無量壽佛所有節次據各省督

撫提鎮藩臬呈請誠造數目 奴才等現在分晰開單另

行

奏

聞又據各省督撫代各省道員呈請誠造無量壽佛今已三十

餘員查上屆各省道員懇請報造者已經彙奏准其恭

造今此次各道員呈報造佛可否照上次准其一體誠

造之處 奴才等未敢擅專理合



奏

聞伏候

訓示遵行謹

奏請

旨

等因於乾隆四十二年十一月十七日具奏奉

旨著准其成造欽此

總管內務府謹

奏據

欽派總理造佛事務處文開添造

無量壽佛一千尊需用赤金葉一百八十三兩

賢界千佛一千尊需用赤金葉四百六十七兩二共應領  
取赤金葉六百五十兩應用等因前來查現存備發鍍  
飾活計頭等金二十七兩四錢八分不敷給發理合

奏明請於庫儲兩淮解到頭等金一千三百八十一兩零  
內動用七百兩除給發造佛處六百五十兩外餘剩金  
五十兩歸入現存金二十七兩四錢八分內共金七十  
七兩四錢八分存儲以備別項鍍飾領用可也謹此

奏

聞

等因於乾隆四十三年三月二十五日具奏奉

旨知道了欽此

奴才  
福隆安金輝謹

奏爲奏

聞事恭照乾隆四十五年

皇上萬壽聖節恭造無量壽佛一萬一千尊賢界千佛一千尊  
前經奴才等將內外王公文武大臣官員等報造無量  
壽佛一萬七千九百六十三尊計銀二十八萬七千四  
百八兩內除恭造壽佛用過工料銀十二萬六千八百  
九十二兩外其餘剩銀十六萬五百十六兩奏交

昭廟工程處應用等因在案今續據報到之內外滿漢文  
武大臣官員等認造無量壽佛二百十九九計一千九  
百七十一尊合計銀三萬一千五百三十六兩謹將恭

造壽佛數目另繕清單恭呈

御覽爲此謹

奏

輔國公奇崑

一九

輔國公興兆

續報一九

內大臣弘晟

一九

吏部尙書現任烏什辦事大臣永貴

三九

都察院左副都御史曹文植

三九

前任直隸秦甯鎮總兵今陞理藩院侍郎保泰

一九

前任鴻臚寺卿今陞大理寺正卿袁芳松

二人共一九

前任鴻臚寺少卿今陞光祿寺正卿錢士雲

前任順天府府丞今陞大理寺少卿虞鳴球 一九

工科掌印給事中圖薩布等 四人共一九

掌京畿道監察御史訥清額等 五十六人共九九

前任四川學政詹事府左庶子吳省欽 續報一九

兩廣總督桂林 二十七九

湖南巡撫李湖 九九

廣東學政李調元 三九

陝甘學政童鳳三 三九

雲南學政呂光亨 三九

河南學政王大鶴 三九

四川學政劉錫嘏 一九

前任雲南學政孫嘉樂

三九

山西布政使譚尙忠

五九

雲南布政使孫士毅

五九

湖北布政使李士傑

七九

陝西布政使尙安

九九

甘肅按察使海甯

五九

雲南按察使汪圻

五九

湖南按察使塔琦

七九

河南按察使鄭源璫

七九

福建按察使楊廷樞

九九

江蘇按察使龍承祖

五九

原任直隸按察使文祿

五九

西安將軍誠毅伯武彌秦

二九

齊齊哈爾副都統官福

一九

黑龍江副都統慶林

一九

原任福建左翼副都統額爾布

一九

原任甯夏副都統德爾賽

一九

烏魯木齊提督喬照

三九

雲南提督海祿

五九

雲南騰越鎮總兵今調開化鎮總兵劉國樑

二九

雲南普洱鎮總兵張和

二九

雲南鶴麗鎮總兵喀木齊布

二九



貴州鎮遠鎮總兵保成一九

署直隸秦甯鎮總兵寶琳一九

陝西延綏鎮總兵周鼎一九

廣西左江鎮總兵薩郎阿三九

廣西右江鎮總兵李萬年三九

巴里坤總兵西德布二九

江南蘇松鎮總兵藍元枚一九

廣東碣石鎮總兵陳國泰一九

九江關監督蘇凌阿九九

杭州織造徵瑞九九

江甯織造穆騰額九九

內務府一

十一

喀什噶爾協辦大臣三品職銜覺羅敦福

二九

原任庫倫辦事大臣今任西藏辦事副都統銜索琳一

九

科爾沁扎薩克和碩親王拉史那木扎爾合吉色楞丹

巴

二人共二九

喀爾沁扎薩克公瑪哈巴拉旺扎爾

二人共二九

科爾沁扎薩克多羅秉圖郡王桑敦扎普

一九

土默特固山貝子色普騰東羅普

一九

土默特多羅貝勒索諾木巴爾珠爾

一九

喀爾喀多羅貝勒郭布多爾濟

一九

德州城守尉義成保

一九

義州城守尉安慶

原任金州城守尉六什

以上共計二百十九九

計一千九百七十一尊

合計銀三萬一千五百三十六兩

等因於乾隆四十四年四月十二日具奏奉

旨文祿不必造佛餘知道了欽此

奴才福隆安謹

奏爲請

旨事恭照乾隆四十五年

皇上萬壽聖節恭造無量壽佛前經奉

旨著奴才福隆安金輝敬謹辦理今原任侍郎金輝物故現今

舒文蒙

恩管理養心殿造辦處所有從前金輝專辦事務俱係舒文接管其恭造無量壽佛事務亦當有常川管理之人請將舒文同奴才一體管理之處伏候

訓示遵行爲此謹

奏請

旨

等因於乾隆四十四年十月初十日具奏奉

旨知道了欽此

奏爲奏

聞事查上年八月

賞過

弘仁寺

仁壽寺念經呼圖克圖一名扎薩克喇嘛達喇嘛副達喇  
嘛四十四名小喇嘛一千九百五十五名飯食共用過  
銀一千七百二十九兩二錢五分在案本年八月

皇上萬壽大慶

弘仁寺

仁壽寺於八月十二日起至十六日止敬奉阿藥師經再

八月十四日起至十六日止

奴才福隆安

弘仁寺

仁壽寺念經喇嘛二十名內擬照上年移撥喇嘛一千名  
在

萬佛樓念阿藥師經每日應

賞喇嘛飯食奴才金簡帶領署理坐辦堂郎中佛甯等辦理

扎薩克喇嘛等四十四名五日飯食需用銀二百五十  
三兩小喇嘛一千九百五十六名飯食需用銀一千四  
百六十七兩共用銀一千七百二十兩由

弘仁寺滋生銀兩所得利銀內領用爲此謹具奏

聞

本年

扎薩克喇嘛達喇嘛依爾璽達喇嘛蘇拉喇嘛四十四

名每日每名銀一兩一錢五分  
五日共銀二百五十三兩

與上年相同

小喇嘛一千九百五十六名每名每日銀一錢五分  
日共銀一千四百六十七

兩

比上年多一名

共用銀一千七百二十兩

比上年少用銀九兩二錢五分

等因於乾隆四十五年八月十七日具奏奉

旨知道了欽此



奴才福隆安舒文謹

奏為奏

聞事恭照乾隆四十五年

皇上萬壽聖節所有內外王公滿漢文武大臣官員等陸續報

到恭造

無量壽佛共計二千二百三十三九八尊計銀三十二萬

一千六百八十兩經奴才等二次開列九數銜名奏

聞在案今續准內外交武大臣官員等均在

萬壽聖節以前節次報到共造佛六十六九計銀九千五百四

兩謹將此次所報各員九數銜名開列清單恭呈

御覽以上三次通共報到造佛二千二百九十九八尊計銀